



孚缶集

讓鄉鄒一桂著

棘院清明

甲戌三月  
知貢舉事

曉來呈卷已紛紛  
畫鼓樓頭響徹雲  
深院不知花柳信  
散烟佳節聚佳文

閏年春事十分賒  
倩得桃花替杏花  
一棧踏青誰換紫  
看他飛燕入人家

登明遠樓

高閣靈臺畔  
清光下紫微  
遠峯橫淡翠  
新柳颺晴暉  
極

孚缶集

目難窮象憑虛  
自息機和風來  
檻外拂拂動春衣

至公堂即事

硯是藍田玉  
文同赤縣符  
溟魚知欲化  
樛鵠正將雛  
漏轉頻催箭  
燈聯若貫珠  
春星聚奎府  
環坐在冰壺

揭曉後壽衣園五十題牡丹

徹棘歸來春未闌  
簇金樓子露初溥  
知非盡是浮雲界  
伯玉堂前另眼看

題張京兆畫眉圖

粧成對鏡拂雲鬟  
滿月中函新月彎  
自是張郎通畫理



毒瘴侵肌成痼疾以勞定國死從事廟食高貞黔志迷  
我時來黔掌文教感粟滿山兵未戢知君韜畧英氣雄  
憶君會面春風拂手弓旌管兩不負勲名磊落高峩嘗  
至今廿載靖蠻氛八萬荒烟變鄉霽殷宗虞帝不再征  
舞羽橐戈在修德

桃花畫幃

憶昔韋杜遊桃花滿林麓山泉夾道流萬柳參天綠朝  
霞變山翠倒影入幽谷坐石漱其流波翻碎紅玉肥朶  
間六出老枝盡樛木淺深一萬重烟村遍芳馥未知玉

孚缶集

三

洞春同否此景淑抑或瑤池上另有開筵局昨過紅螺  
嶮嶮洞傳奇躅落瓣一尺強流出山之腹定知仙窟中  
花開大如轂天小縮壺中蟻巨等烏犢棗瓜芍藕船滄  
海渺一粟仙葩固不測難以語流俗

郊行口占

秋審後 命往馬蘭峪赴  
純裕勤太妃園寢填青

連旬兀坐玉橋頭此日郊行即是遊肥白蘆花知宿雨  
半黃楊柳未深秋吳儂偶出猶乘轎江客經年一見舟  
閒與村民談穡事可堪和麥二分收

過盤山

千幅疊屏山一峰獨標異攢髻何龍葱突兀兀王紫氣乍  
見恍如故久濶不能契山腰識浮屠乃知古盤是雲嵐  
儼夙態風壑更秋翠我欲與班荆一訴別離思過車不  
少留望望忍恚置

恭謁昭西陵

嚴霜棲宿草衣履怯早寒行行望翠栢策馬遶長垣祠  
吏立紅門卒伍依其弁清風肅寢廟旭日照靈壇  
瞻拜屏容氣退立思盤桓螫龍多雲護鱗而悵難攀宮  
中有堯舜萬古磐石安

孚缶集

四

宿馬蘭峪

迴坡結一村禪塔密其右夜聞吹角聲孤城倚北斗  
氣鍾馬鬣成聚知非偶爾牛紛來思醅醴供神耐馨香  
在明德有孚占盈缶側聞廣濟儲白水忽流走  
時有盜  
庫銀事  
貌貅胡不怒而使屈戍守

桃花寺

認得青槐樹團團罩上方僧踈少清磬山曲有迴廊跨  
嶺松苗路圍村稷幹墻薊門遙在目塏影又斜陽

段家嶺

潦盡猶餘滓風和幸短程集聲喧野寺松影暗山城菊  
冷供詩瘦茶香為客清憑高凝遠望征鴈拂雲平

五友圖為有堂寫并題

漁者侶魚鰲樵者友麋鹿先生不斧斲所友惟草木草  
木無情松有心梅含冰雪姿竹彌君子林猗蘭之香可  
斷金先生友此四四亦友先生相視莫逆筴神合匪以  
形商之皓香之老頭白深山更交好少年握管幾同羣  
零落晨星已侵曉此圖添寫歲寒圖清芬亮節知非孤  
赤松之徒先生乎願得喬株聳幹高百尺俯字蒼蒼胥  
勁質倚桐梓漆柅栢栢吳剛棄材亦廁側

孚缶集

五

贈善人邢尚卿

人性本皆善世不皆善人人雖不皆善聞善必心傾所  
以不善者心為利欲昏所以善善者心體自露呈人能  
充其體萬善悉昭瑩聖賢分安勉暴棄自沉淪有能強  
為善即入希賢門入門復出門舜跖相攻爭或欲求名  
譽名主實已實或欲希美報報遲志亦更樂善無所為  
此樂乃永貞邢君信耆碩積善終其身上不為名利下  
非謀子孫行年六十四遍歷九省城囊緣濟人之家為

傾資貧鄙夫見之笑君子鑒其誠更欲廣為善勸諭多  
歲銘兼通歧黃術捨藥拯羣生荒郊常掩酪古廟為更  
新聞者贈以詩見者述以文積卷已成帙落筆多名卿  
而我今始遇恨晚相見君樂善有同好力怯多因循仁  
者必有勇赴義如趨程年高德彌劬志定神不紛善感  
雖不祈善應無不神會看章邱里有孚占光亨

題伏生授經圖

秦火烈已威古典黯復熒果碩劫灰在壽生以壽經齒  
豁憑口授熬牙益艱聽校書賴女郎正字隔簾屏鴻篇

孚缶集

六

二十八朗照如列星豈矜班與蔡續史光明廷咄哉鼉  
令筆預疏賊國螟所志在安社不避身遭刑此圖峙三  
傑千載名猶馨

題方宜田貯蘭圖即依原韻

幽蘭生空谷原不滋田畝無言自芬芳灑然出塵垢樵  
者偶劬致遂使林園有培之不以道詎曰同心友苗或  
傷剪裁根或屈磁斗風日既非宜薰穢兩不受花開漸  
縮澁偃僂類枯醜吾聞愛蘭人有術使蘭壽年年花發  
叢不異長齡叟其時與其置不假他人手葉短花愈肥

恒軒相國邀同人小集

昨飫天厨饌今開上相筵短衣皆貴客肯酒憶名泉廣  
厦坡前帳和羹野外鮮君恩臣共豫長此荷鈞銓

題菊贈福額駙

老驥何人顧將軍獨目之高懷有如此謀面亦何為白  
壁那能炫青萍遇所知為君圖晚節不讓歲寒枝

雨帳用尖义韻和恒軒

沉塵微雨態廉纖宵柝無聲靜夜嚴滿眼白衣迷赤甲  
連篇清味落紅醜徧滋麥葉青膝脚低壓松枝濕帽簷

孚缶集

九

贏得閒情攻險句蠶叢新闢闢毫尖

自笑行間側翅鴉腹便誰是秘書車瓊瑤報我人如玉  
香艷輸君筆底花久望傳霖同樂歲欣看郇雨慶農家  
睿情此際應歡賞想見龍吟手八叉

閱金冬心畫竹記

讀君畫記思君品磊落襟懷率性真更解虚心傳妙理

品題誰敢薄今人

題蔡岡南畫樹冊

不求工緻不矜竒想見濡毫落紙時意到不嫌兩三筆

興酣直欲萬千枝生枯匪為擒雙管南北何嘗有定師  
莫怪行囊猶什襲為君題跋又題詩

秋瀾即景

鵲巢風暖正將雛蒲葉尖新透綠波巒近 山陵多紫  
氣地臨易水想悲歌馬前香襲穿花徑衣上雲生入竹  
阿試問長安棋局者軟紅飛閣興如何

老馬行

我遊燕秦二十年此馬與結風塵綠危坡峻嶺陟高下  
霜橋凌石行迤邐壯時日走二百里不假鞭箠冲雲烟

孚缶集

十

夜槽風響蛻一斗曉蹄電掣空蠻涎赭毛渥注等汗血  
俊骼大宛均竒拳訝茲物產非晉屈來自烏蒙裸族之  
龍淵雁門方伯節鉞去遺我無致文錦韉當時同羣驪  
黃騮駱與騏驎後先踣斃此獨全 追隨部乘到京闕  
欲與冀產爭媿妍王良天駟列宿府舉肥肉相無鑑仙  
控縱嗟落奴隸手疾徐聽候與人肩長安日月易征邁  
朔風寒氣侵幽燕舊主早亡新僕死此馬巋然壽綿延  
齒平齧草棄節堅嘴尾皆禿絕可憐尚然努力供負載  
猶勝駑駘驅不前生平空抱千里志遠遊不得馳燕然

世無伯樂疇市駿亦少韓幹誰神傳我方惜汝不得為  
駒再蹠蹀汝亦怪我黑鬣盡變為白顛齒加長矣各何  
益呼我為馬奚辭焉

佛手柑

愛此黃金果玲瓏法相嚴掌舍常韞玉拳握尚舒尖一  
指能參悟千花待笑拈玉盆清供處香氣透疎簾

題風泉松竹圖

五色令人眩五聲令人聾物交豈有權聰察隨人胸勿  
謂此圖靜泉瀑亂松風勿謂此景幽竹翠雲迷濛天倪

孚正集

十一

苟不暢邀爽適自蒙吾鄉有名泉噓沫出九龍居者誰  
不飲未必皆澄泓有客逐塵去冷冷在其中惺惺常在  
抱抑戒夫何容

粵東劉作庵百歲

曰若稽古壽兄弟萬八千元氣有所積斯語豈虛傳後  
代氣彌薄民生不其延主持元氣者人實司其權我

朝隆孝治瑞芝燦廷前錫類永無極鮐背方駢肩宗伯  
掌邦禮賞賚尊高年表章題卓檨日日無虛焉謂此蚩  
蚩民枝庶無憂煎混沌守不鑿固宜保貞堅封翁乃血

秀高誼欽華顛經史充滿腹積善周窮檐理足神愈完  
道腴天益全新春屆期願步履如神仙孫曾羅膝下中  
有霜雪髯鷺籠獨不化雞窠詎高懸擦此仁靜券享此  
五福弁昔有西清客亦是東華佺秩膺天錫貴壽過堯  
齡綿疑彼老人星照耀東隅偏出震乃生氣瑞應或此  
先余亦號希叟比君尚茗妍唱此百歲歌試入童謠篇

立春後雪霽

丙子年

午過東風拂樹偏綵幡玉蝶兩踟躕送寒臘雪連春雪  
卜歲今年勝舊年了角芒童鞭叱叱細腰秧鼓曲闐闐

孚缶集

十二

須臾淑景雲開日官柳千絲颺碧天

寒食口占

昨宵明日和今日上巳清明與寒食鶯啼燕語悄無聞  
冷雨淒風過時節小桃禁火不能紅弱柳無烟未成碧  
出門溝氣苦擁鼻兀坐蕭齋自開帙古來宦海多沉溟  
豈獨之推祿不及紛紛輪蹄南郭迴耐罷九泉無一滴  
乞墦醉飽計非迂為語深閨勿羞泣

直清齋前古槐一株玲瓏竅穴與旁樹連理余齋  
居其處得暇圖之并係以詩

南宮老槐數十株中有一株形絕殊豁腹虬枝相紐結  
有似龜壳蛇穿紆斑皮剝裂斷更續禿頂復孽青扶蘇  
何年槐子落根畔新條挺秀爭榮敷固知一本非兩物  
忽然交頸連肌膚輪囷已怪成古物况乃合體同聯珠  
暑風吹陰葉飛舞百竅迭唱聲于喁吾聞棟樑貴直幹  
似此雍腫將何需正如耆年仗孫子倚肩作杖憑持扶  
高齋南窓晨凭几嗒然坐對吾忘吾

題雙松圖

畫出賢哉二大夫却耽山水以為娛慣看晴壑雲霞變

孚缶集

十三

欲向高旻日月扶天半罡風來鼓吹巖前叢木盡侏儒  
不愁奮鬣騰拏去好共南山作壽圖

東鄰呂太常宅看藤花

怪君堂下蟠蛟螭客來疑有腥風吹喜君堂前張翠幄  
一院青陰紫絡索蛟螭上走穿雲道絡索下垂妨客帽  
仰看天雨舅陀羅仙幢寶帶紛嬪娥婉孌天矯爭舞僂  
氤氳飄渺相盪摩紅塵十丈避無處錦帳重圍來罩住  
曉巢夜宿晨飛去酒過東墻隨蝶翅翩翩雙鳳雛秀目  
明襠襦白鬚老翁雙袖扶意留花外誰能圖祝融不閃

垂綸宇為有青蛇膽氣麤

容冬鄰屋被災至  
太常宅風轉得免

### 溪山泉瀑圖

溪彎屈曲趁山彎  
倒影環峯碧水間  
一片濃陰圍竹舍  
更無人叩白雲關  
盪漿人歸荻港迷  
松楓夾岸疊長堤  
澗聲高落聞雷布  
十丈青蛻下飲溪

### 中秋後送瑩若南歸

秋風高子鵬翼扶秋簷  
鳴兮芳桂敷欲窮滄海探  
驪珠誰人網得新珊瑚  
琇孫吾家千里駒  
蹀躞小試行天衢

### 孚缶集

### 十四

五絲織就雲錦襦  
發笥便擬勝瓊瑀  
片帆忽掛臨菰蒲  
向余言別歸東吳  
家有八十礮溪漁  
雖老健飯形亦癯  
倚門望望歸來雛  
平曩老子方綬紆  
一官萬里雙魚鮪  
孫歸代父晨昏趨  
三賦未工敢覬覦  
縱然倖獲來非迂  
谷風吹煖春須臾  
櫻花綻藥應跂予  
予也霜雪盈頭顱  
綸扉再入徒餽鋪  
安得扶杖吹壙簾  
而歸而翁問我乎  
秋風我亦思莼鱸

### 桐君山

富春之山遠迤邐  
中有桐君瞰江水  
江水潮平清瀾瀾

上接嚴陵灘七里翼然傑閣凌雲起鐘聲夾入松風裏  
桐君去今已遠矣留名萬古為山氏客來競秀

閣名訪遺

趾山木蒼蒼石磊磊夕陽下波波欲綺惟見征帆去如

駛

席間咏菊索同人和

年年買花種絢爛堂前陳買花非舊本看花還舊人邀  
約二三子促坐憑苔茵小飲鮮珍錯劇談無玉賓行籌  
軍政肅射覆索隱頻帷燈耀金珀簾月窺素銀雲霞燦  
朝列珊瑚羅宮嬪壓含褒女笑黛感西子顰屏張孔雀

孚缶集

十五

開山立麒麟蹲佳名疇肇錫善本宜惜珍尺竿扶直梗  
勺水滋豐神今歲兩重陽賴汝開四旬霜螯手中紫柿  
粟盤內新側帽自插鬢一任花笑嘆明年知誰健對此  
且飲醇吳花種盈百貴者非輪囷晚發品更上冷節文  
松筠長安殊不稱溷俗聊同塵九衢登雲客三徑凌霜  
晨尋真此不遠何必滄溟遵

俗尚洋菊  
故有末句

舜咨於席上口占朱句續成三絕戲為和之

舊說餐花壽可綿落英為枕亦延年陶家富有溫涼手

今夜應須抱菊眠

釀出新筍是酈泉  
溷他吏部酒中仙  
甕頭春色三更盡  
今夜應須抱菊眠  
蜂蝶何曾到舞筵  
玉山傾倒在花前  
抱琴已約來明日  
今夜應須抱菊眠

法源寺觀海棠

雨洗紅塵淨風翻綠葉低  
尋春來野外結伴過招提  
小憩談經座閒巡種藥畦  
蜂聲清磬裏絕勝百花溪  
舞態陰晴候慵姿睡醒初  
長條參殿瓦雙艷夾庭除  
鈴響經幡護香微定慧如此  
間叅一乘兀坐者誰歎

孚缶集

十六

劉母胡太君節烈詩

明社將亡妖狐起  
嗥羣跳梁張與李  
剗肝剔腦搏人嬉  
哀哉蒼赤胥戕毀  
蜀空白骨無人收  
痛毒流氛及江渚  
臨危遇亂忠義出  
有女化離抱貞死  
從容受刃不受辱  
授孤臧獲身投燬  
至今烈氣猶森然  
千載留名耀青史  
皇天報德必昌後  
孤礎叢生綿葛藟  
一鶴已向雲中飛  
會見連翩換青紫  
揚芳豈止為賢媛  
賢媛勁節猶如此  
丁丑重陽前二日  
招同人看菊席間  
聯句得五十

花下咏斯陶尊前詞且謹韻流箋粉膩香帶墨痕潮佳  
節囊萸近小山良朋置酒邀黃花何爛熳白髮自逍遙

未辨登山屐

松坪

無勞載酒舸座聯珠履客簪認紫霞

標佳色浮新蟻

鳳岩

寒香襲舊貂筆花雲錦簇歌串雨

珠跳碧盃排金朶

守園

紅槽轉玉杓題襟憶昨歲落帽

又明朝雀舌烹還再

香巢

龍涎篆未銷編珠工競病吟

玉靜譁星藥開檀麝

金圃

霜枝舞翠腰淨光鋪地迥

芳氣接天寥烟鎖黃金

養田

香分綠玉瓢白翻瓊樹

雪紅焰赤城燦太史名登閣

晴溪

名妃寵冠閩香紛

孚缶集

十七

郁烈越艷闢妖燒霞泛金霓彩

梅阿

球珍雜珮瑤嘉名

通海嶠新譜出

天朝窺戶涼蟾靜

蔚田

迎風晚翠搖

琰琤瑀玉袂綬安紫雲髻芳艷三秋占

澗泉

崢嶸五美

昭自含金土德寧畏雨風漂近席神逾靜

菱龕

迴燈態

轉天枸枝須滿挿對影待輕描高會羣三益

坤一

雄詞

貫六鑣題糕呼夢得嗜酒遇檀超泉釀元名錫

春帆

江

園最憶姚欲將竒字問况有素書招飲興還燒燭

渭崖

文心似剝蕉令嚴軍政肅談劇齒芬饒漏下臨風柝

晴

沙門留載月輶節誇屢竹脆音賞爨桐焦共許襟期遠

元儁應知硯礪澆晚香餘粉蝶哀草靜寒蛩逸興三盃

遣淡泉閒愁百斛消清微研律細冷艷對花嬌煖座春

長在漁湖秋園景倍韶何須招隱橋底用託銘椒按拍

吳歛軟天亭停徽古韻飄幾人傳綵筆有容話歸橈旅

思三行雁磯漁孤情萬里鷓鴣枯荷聽急雨高樹動涼颿

並隱烏皮几耕堂相隨紫栗條已空塵劫幻猶覺物華

撩垂釣非思鱸鹿薇觀棋欲忘樵僧歸黃葉寺秋老赤

欄橋蒲柳驚先瘁檢齋松筠感後彫有懷同醉月抗志

擬搏霄首唱詩推聖寄廬分拈字避妖問誰憐晚節留

孚缶集

客永今宵啓堂

年夜以除夕二字為起訖丁丑

除乘忽冬春光景若駒隙百年一夕耳疇非逆旅客翹

首望家門桃版四十易緗梅隔江笑鶯語聲有百携柑

者誰歟杖屨弄泉石宮袍敝改為綸階再曳舄騏空沙

漠羣柯爛長安奕妻老子亦壯且喜此同席燈花四照

開相與共浮白孔齡吾已逾莫問今何夕

歲朝以元旦二字為起訖戊寅

元氣行春和萬象悉昭煥遙峯環瑞靄旭日耀宮觀紫

衣咸襲裘拜舞趨玉案島夷歲來王結束尚唐漢須臾  
釣樂止朝罷鷓鴣散朱輪塞長街華刺入高閨那知黃  
髮叟自比青松幹探梅鶯早報淪茗冰初泮瓦盆醉村  
醪醺醪不能換安眠日高起烏知雲復旦

雙鴨圖

雙鴨水中禽陸養非其性飼以稷麥菽腹果意仍病此  
圖寫天倪清淪恣游泳出沒螺蜆餐浮泛菰蒲映灘裊  
頓光彩唧啞鳴波鏡射者息危機鬪者無俗競海鷗等  
忘飛文鴛喜同並右軍愛浮鷺臨池悟書聖諸兒好野  
鶩辨物非族姓安得王喬鳧飛空絕塵徑且脫書生籠  
莫坐雞窠穽即此方外遊眼界常清淨

瑞蘭詩

崇蘭異品出甌閩玉燕啣珠到畫屏綠葉紫莖前有譜  
雙花並蒂古無經同心結伴如求友叢辨為毬若聚星  
未必楚騷能作佩只宜燕結夢徵靈好依金粟棲蟾窟  
肯效紅房卸鷺汀銀漢槎回香滿袖也知薇館即蘭亭

題萬壽宮劉焚修小影

夙聞神壇有老道栩栩化蝶如莊周呼之即來案頭集

吉凶預報知咎休訛言傳播予不信後為太常經兩秋  
迎牲視帛數來往踪跡杳渺尋無由從來學道易荒怪  
五千要旨無人求余年十三誦感應了凡功過日自搜  
道在仁心通物我二氏與我原同舟何事揚帆各分榜  
攢之牆外為異流上方崇教淨法界元都地接瀛西洲  
花香幡蓋禮真斗六塵不到棲仙樓道可常道德常德  
常依清靜真焚修圖中穆然見古貌知非采樂天台劉  
為君捉筆題詩者亦非稷下談天鄒

回文詩三首

孚缶集

二十

鳥啼驚夢曉花落惜春深壞媿聞歌楚薰風送好音

送春

盟心同士志外勁而中虛清風鳴珮鏘德比玉何如

咏竹

幽香晚坐小圍屏露濕花苔暗渡螢秋色一分誰巧拙

鈎簾半月映踈星

七夕

送毛守園歸里

從來惜別易傷神况遇涼飈動陌塵怪爾青年早山屐  
愧予白髮尚朝紳傳詩詎減通經目脫穎寧閒濟世身  
預擬翠華臨岱日望君仍賦上林春

麋載集

此集皆恭和

御製多依原韻倉猝呈稿錄之以誌遂歌

臣  
鄒一桂

柳員外溪上

小築枕溪流灑然遺俗累緬彼烟霞人聊寫邱壑志松筠羅生翠花鳥競新意環黛當春妍澄波入秋媚到眼皆化機縈心少塵事倦來理孤桐興至吟五字此中游息石愚智從位置

麋載集

早秋詩二十首之二

何處生秋早秋生池榭中蛛絲承曉露蟬翼報涼風鳴鵓聽夷則烹葵餞祝融遙知廣寒裏金粟未成叢何處生秋早秋生斷岸中殘霞一溪雨新月半帆風樹密菱歌遠荷香酒氣融興來思杜甫無句關蠶叢

藤花月季

沐得天家雨露同砌根牆角一叢叢清和首夏春猶在半屬薰風半惠風

菊花秋色

東籬作賦非招隱上苑移根已出潛歲晚莫嫌霜氣冷  
五雲多處寶光炎

禁苑藤蘿

古藤盤松歷歲久筋骨不絀天所壽松花欲落藤花開  
飄拂香風滿溪口傳聞 禁植更無倫為拂雲牋試寫  
真碧幢紫帶何紛綸流蘇罔帳羅仙嬪柔姿勁節隨人  
判共幅圖成莫驚歎後凋先落知者希對舞蛟龍呈玉  
案朝來給札到彤墀晴日初開雨氣舒正如延蔓出雲  
表懸下春光萬丈餘

虞載集

二

秋海棠

移得春光慰素秋翠裙纖縠疊湘流殷紅貼梗無他嫩  
弱線垂絲似爾柔飈館不隨楓葉下月窓疑有桂香浮  
錦城消息臨池畔何必尋真到海頭

桂花

人間有金粟高樹占秋芳晚發承蓮瑞先期逗菊黃涼  
風因轉燠明月若為香釀作延齡酒餐英益壽康

芍藥

飲露花三醉留春艷一叢霞光侵院曉香氣入簾融寶

帶圍金玉重樓結翠紅倚闌吟賞處披拂正和風

夾竹桃

夏木正陰濃天桃艷碧茸好添淇澳興莫訝武陵逢結  
伴輕隄柳論交比澗松北牕渾不暑芳意續春冬

海棠

海山縹緲思悠悠喜得春陰上苑栽着雨欲眠增意態  
倚風能舞怯身材乍開紅頰疑施粉未謝芳心詎易灰  
若道此花空有色簾前蜂蝶為誰來

畫秋英手軸

賡載集

三

從臣才技愧枚鄒漫點群英翠欲流豈有化工傳五色  
却憑 睿藻麗三秋薄寒青女霜難到絢爛天孫錦未  
收何幸得邀渠閣賞熙筌名蹟共題留

白帝偏教一院紅花開爛熳素秋中並餐玉露清如許  
各舞金風態不同敢讓紫茱矜傲色却先丹桂占芳叢  
坐忘即是長春殿奚必仙山採藥翁

題花卉冊十二頁

雲淡風清着意妍邊鸞妙筆豈能傳碧綃掩映玲瓏月

似與梅妝別有天

梨花

春風試暖着輕華薄霧勻脂疊綺霞記得宴歸人挿帽

喜傳芳信自 天家 杏花

繭粟方舒態有餘日華依砌露凝珠敢云艷質為花侍

猶有霜柑號木奴 芍藥

寶絡香纓掛碧柯濃陰涼榭受風多交枝已作龍蛇舞

鐵幹曾經歲月磨 藤花

花信番番風信催撲空飛絮欲粘誰丹心自鮮依 金

闌寫出昭陽帶露枝 葵花

禁烟初罷麗和風千葉爭開湛露融上苑有春誰採得

賡戴集

四

直回輕騎過橋東 碧桃

鶯聲已逐殘紅老蝶舞猶隨冰雪姿撥刺尋芳見幽朵

不須清絕畏人知 醉醺

芳姿久已作花神弱質猶疑楚水濱綽約臨風似歌舞

滿園春色為何人 虞美人

俗傳勺漏是仙官九轉丹成溢露盤餘汞滿山收不盡

雨晴蒸作晚霞看 山丹

非闕近水憶湘君黛色叢中簇錦雲蕊草也知懷勁節

不隨凡艷鬪芳羣 石竹

碧落花開涼意生，競傳仙會下瑤京。  
自慚草莽來天上，不羨金盤露掌擎。章牛

為憐晚節與傳神，繪事何堪質聖人。  
寂寞霜花偏耐

久冷香圖祝萬年春。菊花

題花卉卷十首

碧叢透翦穿殘雪，玉燕啣珠接早春。  
罷點爐香供座側

素心花對素心人。蘭花

欲冠春園萬卉紅，獨留本色與詩翁。  
飄殘白雪含青豆

調鼎猶資贊化工。梅花

虞載集

五

淺淡胭脂着粉纖，嫩寒猶自怯霜嚴。  
桃花紅與梅花白

和合春風一筆兼。杏花

不怕柔姿上步搖，十分紅暈勝桃夭。  
風前飄蕩憐無那

倚傍深叢自在嬌。貼梗海棠

惱却封姨別有神，要同月姊鬪時新。  
紅顏易老何曾老

一歲能看十二春。月月紅

去歲春歸無覓處，於今收拾畫圖來。  
綵雲紅霧仙鸞集

為報西池宴復開。桃花

帶雨籠烟夢未成，淡無情處寂含情。  
恍疑重赴羅浮約

一片香雲記不清

梨花

佩帶爛斑匪映朱  
翩翻如欲倩人扶  
莊生夢覺渾難辨  
宋玉牆頭色更殊

蝴蝶花

穿籬繞架綠盈庭  
千朶紅粧結一屏  
天與滿身護香刺  
不煩懸索掛金鈴

薔薇

何須日掛杖頭錢  
細草茵圍即綺筵  
狼籍東風擲杯去  
醉來還枕落花眠

金盞花

乾隆十一年八月廿八日侍宴瀛臺用唐臣李嶠  
甘露殿侍宴詩分韻得賞字

虞載集

六

聖敬召天和清時足俯仰  
百昌會休明萬化遂生養  
歌聯喜起侍從浹歡賞  
玉笋開瓊筵金風薦秋爽  
君臣德惟一宴鎬事非兩  
拜手祝屢豐玉燭永輝朗

宴罷 賜遊西苑乘舟至曲水亭聯句是日

賞賚宮緞秘書鮮魚園果等物

花籩晨開集玉珂  
蓼蕭 恩重晚風和  
天瓢共浥三秋露  
瑞穎先登八月禾  
慶洽明良叨侍從  
路親霄漢始經過  
雲飛不數橫汾曲  
拜手賡颺矢遂歌

朝爽西來瑞靄稠  
水晶宮殿鏡波浮  
乘槎欲接明河影

式燕羣沾太液流鑿物澄懷歌在蓼濟川鴻業勵同舟  
清光晶潔懸秋日徧作 恩暉滿樹頭

紅泉碧磴淨娟娟仙閣遙臨紫陌烟隊逐鷓鸞聯繡仗  
香生醞醖敞華筵 天章親許巴人 和 大學士預擬恭  
和者三十八人

皆卿貳時一桂以四品銜不在內  
上親易二人而以一桂沈德潛補入 勝事還憑綠筆傳

屈指囊萸佳會近太平時節慶豐年

宴罷瑤池許暫留五雲深處足賡酬澤均疏賤同尊戚

先一日宴  
王公宗室 恩轉陽和入素秋摘架葡萄盈翠籠躍波

魴鯉上銀鈎歸來拜 賜榮登俎錫類仁施遍十洲

賡載集

七

靜宜園侍直二首

山勢龍蟠繞 宮門宿列張百花同上苑千騎儼朝陽

輦道入禪谷村烟飄 御香何當沃霖雨霑足徧農桑

禩事尋非遠鳴珂到碧岑 上巳後  
一日也 雲開排翠幃露重滴

青林日色茅簷近春光邃嶺深身疑在蓬頂舉手欲捫

參

階砌秋花爛然有賦

餞却朱明別放紅嫩涼先透碧蘿叢艷分不借螢睂火  
嬌舞偏宜蝶扇風月麗金波澄碎錦露零珠顆落踈桐

芙蓉已老黃花晚接續天香閬苑中

三友軒詩

軒中貯曹知白十八公一卷元人君子林七幅合一卷梅花三弄合一卷

繪林寶藏尊毗尼競購不惜千金資經營慘淡通造化  
宋元妙手稱名師渠閣開卷見三絕蒼松翠竹兼寒梅  
畫中有詩嗣摩詰破壁飛去凌愷之高標幽韻悉孤格  
却與清廟明堂宜賢哉大夫允君子非子調鼎將貽誰  
雲西獨寫公十八林間七子相追隨春光三昧聯一卷  
駢珠綴玉糾紛披長篇灑墨蕩雲氣蒼龍尾接幼婦辭  
霏霏宮香出瑞錦煌煌麝蔕欽 御題古來天子亦有

睿載集

八

友席珍取義恒於斯喬株國本須老幹弱質柔脆將何  
為微臣早歲好弄筆熙筌渲滌慙麤知多聞不敏保直

諒肯效末俗顰蛾眉此中損益頗自辨覽古更信忱無  
疑敬賡 天語陳臆說執藝未必非書思

玉甕歌

大瓢瓠落巧難受小杓分江春在口安得軒皇瑪瑙罌  
滿盛甘露浮天酒夏瑚商璉飾玉耳未必荆山璞全剖  
琬琰弘壁周家珍追琢不假工僂手誰歟鑿此玉甕形  
雕刻水怪羅羣醜方諸照見重溟黑龜鼉負扇蛟龍走

珠光貝氣相燭煜十洲三島胥培壤中洪象海納川谷  
浥注直受三百斗或云前代為飲器廣寒殿前稱萬壽  
玉杯酒池古所戒何用雲夢吞八九 詔供西序並球  
圖當與歌器同不朽

詠荷花牡丹二首

毫端蹴浪起紅霞尺幅溪光認浣紗何處羨人歌艷曲  
正宜君子號名花淨離塵界原無地香逐浮生詎有涯  
賦就多慚謝康樂曉雲初日麗丹霞

葉似雲窩藥作團捲簾人向畫堂看餐霞氣味來蓬島

賡載集

九

沁雪丰姿上玉壇帶露有情憐曉怯倚風無語惜春殫  
一枝粉黛留纖素勝倚朱闌十二干

題飛雲巖畫幅

畫家六法工未能 秘殿命寫神益悚上方給硯賜坐  
食頓覺興至隨墨涌飛雲片片腕下來鸞鶴犀象儀舞  
動珠泉瀆洒檻堊濕鼓栢參蔚屏翠擁何年辟破迸石  
脂洞颺倒捲巖凝瀕黔山記歷盡頑樸獨此鑿竅開大  
孔 天書題向極層顛會有風雨神守奉

山東巡撫進瑞菽圖

曉趨綸閣聞 淵旨瑞穀呈圖不矜羨 宸章委婉戒  
持盈此意臣民當共踰臨淄之衆十萬戶富庶昔稱莫  
與紀比年積歛歎星留鳩形鵠面相駢累時曷不繪流  
民圖哀鴻滿澤非充耳蠲施百萬頌 皇恩古來惠下  
詢有幾仁術回天普降康聯枝疊穎無彼此耕三餘一  
須儲備况承災後方平瘠君臣動色荷天庥受寵若驚  
勤治理不言祥瑞正召祥舍此致祥亦無以

題畫山水橫疋

蜩鶯嚶聲愧鳳名譬如苑樹啼春鳥忽聞鐘呂發鯨魚

虞載集

十

敢道春華及時好聖門論詩通繪事邱壑烟霞寄言表  
素先絢後本末呈邃旨淵微豁窳窳青鏤三寸會縮地  
吳淞半剪峨眉小中攢竹木蔭亭橋扶杖人歸雲髮杪  
情知筆下有神助疊翠溜青非意造 宸章指點出根  
由藝也學之可進道他時奉教守西河三峽詞源試傾  
倒

題畫古幹梅花

盆植古梅如老翁癯形徙倚危石底觚稜洞豁滋碧蘚  
忽發新枝攢嫩蘂生意如從太古來粒粒含春珠玉纒

蒼然 御筆墨氣雄國幹者英有如此詩云三壽誰作  
別惟松大夫竹君子桃李紛紛逐曉風歲寒不彫疇似  
爾齋期瑞雪喜初晴 命召西清揮素紙惜花惜老真  
花主繪事雖微寓深理伏生昨到荷 思綸仰見  
聖明重經史東南竹箭盡搜羅冀北之羣欲空矣諸臣  
砥節勵冰心莫務形似非神似

贈司業顧棟高二首

兀兀窮年只著書韋編斷處易簪裾懸車忽至因嵩祝  
洪福叨頒近歲除未必齊年皆伏勝不因同里薦相如

虞載集

十一

窮經食報皆天意特達珪璋豈藉予

七襄捧出耀天吳被服 恩深體自腴上苑有花偏插  
竹江村無樹不棲烏梅榮老幹欣同賞蘭挹芳心敢異  
趨珍重含毫淨搜篋莫輕遺橐累醇儒

甲申仲春護 蹕謁

東陵駐盤山 行宮恭和十九首

初八日 起鑿

鵲聲早起聽宣傳 詔殿清塵捧玉鞭橐管春遲花正  
藥鳴珂山曲柳初妍新承 綸綺榮三代父仰

橋山景萬年此日幸陪趨從列丹心已到白雲邊

過通州浮橋

萬舸千艘盡泊東雄州以此得名通年年四月浮橋望  
一帶風帆曉霧中

青旂飛處遍春光比屋新烟瑞景昌撲面柳絲妨帽杏  
卸鞍方午日初長

透水新蒲欲試尖輕儵啞苻殼微添煦光育物同靈沼  
大地春風徧里閭

題橋夙志記前因三十年来白髮新正是 恩深便家

賡載集

十三

住吳儂久已作燕人

邨田即景

春郊處處重農情日望山嵐課雨晴自愧經畬無寶獲  
空餘筆耒硯田耕

短垣低屋畧編茨勤畔由来少越思惟有一般貪望歲  
倉箱恒祝萬千斯

不鑿菱池種芋苗大田多稼望迢迢太平雞犬千村樂  
扶杖耆民頌省徭

翠雲山房

行宮傍禪榻欲雨更清幽山翠當胸滴林風與耳謀吟  
雲心不滯點墨意俱流尺幅融千象披圖恣遠眸  
鑿與停息處半里接松風側磴歌行帳遙旗渡晚峻星  
燈烟霧裏蓮漏雨聲中忽聽村雞唱雲歸萬壑空

山房杏花盛開用鄧尉香雪海韻

年年花信不負吾小桃開殘燕來初山房霏霏鎖紅霧  
五色六出斯言誣一枝倚牕微欲笑數本植磴臨風舒  
徐熙朱粉難別色却邀 睿咏傳芳模餐霞嚼雪韻流  
齒南梅北杏思縈紆穠姿清格各殊態譬如仙釋分歧

賡載集

十三

途昨春龍舟下江浙讓里結夢慚追趨茲晨扈從見  
天添恍侍鄧尉登臨餘 聖人所過萬物睹羣芳百卉  
胥歡娛燕花吳花各獻媚並霑雨露光榮殊優曇香界  
尺五近階級有路雲天需蓬萊佳種遠莫致董林蜂蝶  
今蕭疎自嗟霜鬢羞挿帽吟詩寄興還非孤春光淑景  
隨地領何必冀北非東吳何必冀北非東吳拈花一笑  
如斯夫

靜寄山莊

巒勢盤紆若往還薊門雄鎮扼燕關巡旗飄拂坡前柳

營帳週圍屋後山勝地不虛供詠嘯微臣何幸得追攀  
兩行碧罕停留處彷彿仙都島嶼間  
巖居歲月如懷葛 巡 駭逢春此又來屏翳洒風除道  
淨女夷刻日報花開栢幢松蓋排成列澗筑泉堦去又  
迴滿眼雲山堪靜寄底須放鶴與尋梅

得概軒

欲識雲中雞犬仙此中邱壑得天全  
蟠崖古栢潛虬隱  
脊石新蘿綵索懸青送榻前書几淨秀延窓外墨池妍  
吟情直揭山靈輿捧讀 宸章意邈然

賡載集

十四

少林寺

筆底烟霞亦放懷何如日夕望山佳  
巖花綻解迎  
鑾笈谷鳥啼如度曲諧好訂秋蟾穿古樹定知夏瀑響  
層崖 睿情愜處人同樂和煦春風萬物皆

春晚

明星沒晨曦曉霧遍寒谷日高霧始平  
照耀光景淑林  
端倉庚鳴窓外杏花馥宴坐覺澄清  
駕言豈馳逐扶藜  
跨絕澗感泉洒春服擬異何傷乎探奇戒習熟

天城寺

天遣垂虹掛作泉更遺磐石坐人便平分遠岫雙蛾翠  
獨立竒峰一指禪塵伏自來經座側鷓鴣時下飯鐘前  
是非色相誰能辨繞澗山花爛欲然

古中盤放歌

憑危陟險通脩阻攝衣更上疑無所石將蔭芳猶懸雲  
欲飛兮仍佇豁然開昌天青壁蒼萬蔘抽碧干芝布芳  
狂嶠構虛而怒挺巢宇貼翠而幽裝平時虎跡來鳥道  
為有鸞鳴百花好奔騰之水落中盤上盤浸影天光倒  
癡翁到此應取則筆筆斧鉞神丁役雨來未許作全圖

賡載集

十五

畧貌山形梗概得

太古雲嵐畫幅

大鈞播物開鴻濛良方劉壁羞雷同三盤凸竅鬼斧工  
中膚外骨精氣通泉縈峰繞不可窮琳宮碧剎羅禪宗  
怒虎踞石龍拏松雲物變幻陰晴中此圖繪出卷阿風  
矢詩賡唱追前踪

癸酉春仲扈 蹕謁

西陵恭和三十七首

望大房山

山支佛派俱西來依山結宇景互迴玉階金堂敞翬革  
密室奧閭神丁開迢迢長廊接畿右複道直下洪波走  
盤山東峙此山西天乙太乙環微斗層樓疊閣架嶽嶠  
山頭猛石勢勃發怒虎踞蹲狂象突創業雖雄繼序微  
慘遭明季埋荒忽 聖朝昭德菁林園千秋俎豆湮復  
存山靈廟貌兩赫奕今古得失憑誰論

曉行即景

二月春和百物滋塵途得雨更相宜漸漸麥秀溝塍綠

賡載集

十六

片片雲山出沒奇

絲柳經風盡向東板橋村店駐花驄霞光爛熳將軍畫

遙見飛鳥出地紅

料峭春寒花未開望春何處思悠悠去年紅杏田盤路

疑作仙源幻境猜

紫峰朝靄接平原雞犬閒閒遠篳門為近蓬萊知

駕過兒童羣出太平村

遊雲居寺二十韻

危從愜春遊春光大地浮吟情閒處得山色望中收曲

徑通遙墅平橋跨遠溝柳疑遲燕舞花欲試蜂偷破曉  
揚鞭去迎風縱轡柔日華臨翠蓋霜煖釋輕裘雨從無  
多騎雲居為少留爐烟飄衛帳鐘籟息鳴騶仙案供鸚  
硯宸章叶鳳儔浮圖高矗漢方丈靜於秋陟巘升層  
級循坡下小邱靈區千劫在塵夢一醒不魚唄聲沉谷  
風幡動觸憐息氛方憇足想繪復凝眸雲滅僧歸定林  
空鳥弄喉驚峰人共仰象教孰前脩心淨禪燈現機圓  
法水流韶華有餘贈珍報愧微投天語真清越歛歌  
漫獻酬追隨極樂國敢忘恤民憂

睿載集

十七

香樹林

在石經山舊傳唐刻石經成山為三乳  
因生香樹憇草憇音茂本西域所產

種出菩提不二心憇香留跡到而今涅槃付與傳燈者  
方寸中含蒼蔔林

槩雲軒

雲氣換陰晴變幻無定致開軒挹朝爽豁目靜高寄白  
衣油然來示我以文思條去亦何心空壁還蒼翠寄語  
謝白雲客亦如雲至

石井

靈山不屯膏石竅迸泉乳詎用穿鑿為流澤自千古谷

風漾鱗漪山月印蟾吐豈徒潤枯僧亦沃相如侶春雷  
起龍眠會者作霖雨

石經洞

大乘五千卷分為七穴藏白雲封杳邈怪石護頽唐歷  
劫山同壽傳燈教有常吾儒埋孔壁未雨亦提防

崖舫

一瓣青蓮華懸崖開自在彼岸測足間何須禮南海

聲輪洞

重峰嵌烟蘿層樓抱絕巘下有蛟龍宮函光貯竺典是

賡載集

十八

法貴布施幽悶乃獨善鑿開巖際雲便是棧頭轉法水  
長糶糶涉足試深淺

見春亭

寒食無桃花坐亭忽見此何殊空谷音楚然差可喜亭  
可少停行花報花無已停停復行行胡能常待子

曝經臺

經臺經洞外上薄浮雲高升高抱經曝陟降何其勞不  
見晒書容袒腹卧花曹

謁金太祖廬陵

幹水詒謀震海東神兵西指悉從風仁威伐暴聲名赫  
明哲知人舉錯公九世丕基光奕葉百年寢廟鬱菁蔥  
興朝創業開長白彷彿鴻謨偉畧同

謁 金世宗陵

明祚將亡不可言毒滷民社及陵園

天啓二年盡  
平金代陵寢

豈知

令辟仁聲在復遇

興朝禮數尊頌比唐虞純治術交

聯宋夏息兵源大房酌酒欣瞻拜績茂中興萬古存

賈島故里

為訪先生里停車駐夕陽空龕曾禮佛薄宦愧賓王詩

虞載集

十九

比青山瘦祠尋白草荒郊寒同蹇澁賢路豈相妨

趙北口

窻本臨流好花初出窖妍

巡遊春省候佳節禁烟前

畫舫金隄泊雲旗綵索懸

御舟橫卷軸何似米家船

蒲芷穿沙綠樓臺映水明行圍循舊制問俗及鄉評補

助民多樂聲聞吏不驚再來欣賞處猶記昔年情

打鴨行

冰消水暖新蒲生繞蒲羣鴨啞啞鳴眠沙浴渚出沒水

忽聞鼓柁驚舟行于飛四顧無網羅迴翔欲下還瀕河

鳥號猝發赤羽激襍縱抃折風毛多俊鶻側翅胡眼瞥  
一擊疊雙石首裂海天空濶高者高臨危下就奚辭說  
須臾風起青蘋澳萬木于喁鳴象竅高家港口達蓮村  
帆轉前溪圍又到射鴨堂前鬪鴨闌何如此日輕舟妙  
回顧溪邊茅舍若蝸牛舍翁藿食無兼羞大庾羹獻  
賜田疇伴與宸遊民亦休

水圍五首

武事脩如文德脩水圍申令纘前猷侍臣欲獻長楊賦  
得句無文愧應劉

虞載集

二十

波底天光浸蔚藍空明擊處樂云湛不須解網存殷禮  
任失前禽為戒貪  
不綱師孔讓人漁留寄人間一紙書堪笑楊雄誇羽獵  
欲將泰岱作周陸  
燕南趙北為三輔畿內巡遊一再來詔減文從留  
十里肩輿那得射鵬才  
捧出慈輿淑景和帆開旭日漾晴波水亭錫類真  
優渥翠羽紅鱗賞賚多

白洋淀

隔岸風多楊柳低一畦烟雨足春犁農依白淀資宣洩  
水渥青疇恃障隄事係民生皆念切地逢清勝必留題  
行圍澤國情何限佩犢何勞炫鷓鴣

淀池月

青天明月幾時有昔者李白曾問之陰晴圓缺不自主  
水亭花榭恒相宜豈惟清光助吟嘯追隨信守無失期  
龍舟盪熨下畿淀恰值明鏡含風漪水連天色月浸底  
不減江上清秋時春明廣庭耀積素瑤階玉級光叅差  
園開桃李宴春夜低枝弄影闌干移燭花映雪固交好

賡載集

三

方之淀影猶形離水天上下月合璧是一是二誠然竒

西峪雲居圖

如此春光任取携法雲飛處認菩提提高房山畫今誰嗣  
珍重靈峰一再題  
轉岡雙塏聳層巒竹院松居尚小寒帳底烟雲馬前稿  
好山移得帶回看

水墨花果

信筆圖成淡墨圖空花妙果若斯夫此中亦會烟雲意

山色瀟瀟在有無

五君子圖

仿文徵明畫松  
栢竹梅水仙

百花卷記進羣芳三友圖曾繪真性此圖喜寫五君子  
捲袖攄毫忘臂病古翠幽香腕下生巖姿谷態資吟興  
邊鸞徐熙胥束手脂粉無顏等曹鄭好同蘭茝賦靈均  
詎比詼諧託優孟竊聞虞廷有五臣九疇攸叙三綱正  
圖成懸壁儼聚奎 睿蒞欽題耀璿政

曉行即景

霞泛璇霄麗景鋪曉風吹柳露涵濡春光萬斛能量否  
八斗才高詡得無

賡載集

三

柳絲搖颺拂晴絲一路看花信馬遲殘白小桃半紅杏  
賣錫風煖散烟時

出得宮門即里門閑閑桑柘接前村鸞聲聽雜鶯聲轉  
龍旆者依酒旆翻

聖主巡春日正長春官日日近龍光一行豹尾槍隨後  
風過時聞 法駕香

題畫杏花

大地布陽和陵谷詎彼此春風先法界諸佛各歡喜古  
樹歷千劫妙花發寒藥藥含猶未開開足意盡矣墨幅

藏村紅宣蓄悟微旨

題畫梅花

一行新柳杏花天  
涿鹿春光在眼前  
欲識詩人誇後素  
故將墨彩畫通仙

紛紛紅紫競穠華  
誰記寒香瘦影斜  
唯有天心憐玉骨  
暮春時寫早春花

自金山放船至焦山和東坡韻

以下八首恭和南巡詩句

生平性癖山水耽  
曾過華嶽遊終南  
十載塵居隔幽境  
小庭闢徑徒三三  
未知造化富亭毒  
終老牖下如吳蠶

賡載集

三

江鄉浩淼遠莫致  
醜雞舞甕終懷慚  
誰乘長風破濁浪  
下窺鼉窟臨蛟潭  
金焦兩點綴江尾  
雄詞疊句爭戰酣  
髯翁掀髯一長嘯  
後來和者苦吃談  
龍舟南下發 賡  
添聲徹晶藏輝珠  
龕紅樓翠閣椽筆  
構咀華回味生津  
甘巨鈎釣鼇饜全  
楚鯛鯢吞餌徒驚  
貪頓令玉局退三  
舍高文振古垂輿  
堪腹聞眇視得津  
筏琳宮寶刹羞蒲

卷

聽松庵竹爐元韻

半生契濶慧林泉  
猶記山齋手自煎  
數片清風生腋下

一旂春雨鬪花前最憐月色聞宵曲不用棋聲醒晝眠  
四百年來舊圖畫錦囊什襲尚完全

登華山

小臣生長龍峰下四十年前採樵者一從獻賦來金門  
繡衣踏遍長安馬家山遠隔梁鴻棹遙望蓉湖同海若  
聖主巡春到江國金旂翠仗連村野厭看吳俗競繁華  
獨對此山興瀟灑梅白方舒春正韶臨流翰墨頻傾瀉  
名山佳句兩不負共知天造非人也卷阿來遊多扈從  
欲矢清音傷大雅詩中有畫敬圖之一幅烟巒金碧寫

麋載集

三

寒山千尺雪

為學積累如為山疏淪靈府開蒙泉山靜泉動妙體用  
取諸左右皆逢原茲山名寒固宜雪落花飛絮吟真詮  
鐘聲夜半冷然趣未許熱客來魚綠萬姓瞻雲天咫尺  
九重履薄如臨淵白虹垂練界蒼壁跳珠集霰噴晴巒  
短筇着屐上瓊島宜有孤鶴來青田雪乎遇暑乃更甚  
瀑乎冬月猶能然瀑乎雪乎二而一置身千尺非人間

聽雪閣題扇

揮毫驅五丁寒山落筆底飛雪名千尺筧上三寸耳傑

閣駕洪濤珠玉噴寒美諦視身入微化機悟無止長流  
歸大壑散漫為殼綺魴魚逆波上欲探源頭水安知我  
非魚而曰畫而已

鄧尉香雪海歌

鄧尉之山仍故吾遊客賞歎登臨初舟行遠望白皓皓  
擬以香雪海非誣元都三春絳桃發鏡湖六月紅蓮舒  
雲霞錦繡相綺錯方之此景猶難模春風弄柔鶯送曲  
破苔屐齒穿徑紆笑聲人語雪堆裏咫尺瑤海非脩途  
香傳獺髓辟龍腦篆烟蘭麝寧同趨浮生何處非濁海

虞載集

五

但澄方寸清有餘眼觀鼻嗅莫非幻識其幻者皆堪娛  
鮫宮獅座並法界江湖廊廟曾何殊來遊正是養花候  
非晴非雨方雲需五出六出渾莫辨飛蝶飛絮風蕭疎  
水部清吟宜在水孤山寄興良不孤不須南北愁代謝  
羅浮仙境臨勾吳豈止于尺誇凡夫

烟雨樓

雨絲風片兩溟濛導漿雙昆曲境通弱柳垂金芳草碧  
落梅飛白杏花紅四圍屏幃胥潮裏一派烟波米畫中  
真是玉臺承寶鏡蜃光幻出藥珠宮

湖心亭

參透心經色相空湖心應與佛心同繡堤花影踈柳外  
畫舫歌聲曲檻東鏡裏人遊三島月定中僧聽一幡風  
也知蘇白曾于此踏破禪關興不窮

垂絲海棠

紅豆穿絲粒粒垂非關露浥與風披何人解得相思結  
無限情情睡起時

芍藥

落紅飛盡殿春榮不羨仙姿掌上輕約畧珠宮金闕裏

賡戴集

三

月衫雲袖董雙成

碧桃倉庚

珍重春光一刻金露桃湘竹互陰森曉來何處鶯啼曲  
玉律風和聽谷音

紫萸蠟背

院靜爐香宜繪事寫來秋意亦陽春碧梧枝上雙棲鳥  
不異朝陽藹吉人

讓鄉鄒一桂著

賦得薰風自南來

瑞氣迎三伏祥風動九垓黃雲翻隴麥翠幄卷宮槐爽  
逼西山近涼穿北牖迴披襟閒羽扇迎面拂金罍異命  
敷南極離光曜上台八方同鼓吹萬籟感滋培曰聖惟  
思範稱雄愧乏才賡歌揚 邛治常頌阜民財

賦得金風報順成

玉露迎秋令金風報歲功順時懷 帝則成物荷天工

鳴和集

消息催雲雁先聲落井桐蛩鳴知暑退人喜識年豐萬  
戶籌直祝千村銓艾同小臣躬樂育拜手誦豳風

賦得紫禁朱櫻出上闌

新恩開紫禁鮮果錫朱櫻光合晶盤映輕宜翠籠盛珊  
瑚拋的的火齊燦熒熒獻 廟欽春薦分甘荷

聖情百官階下舞中使手中擎香荔輕南越仙桃並海  
瀛蠟珠原飼鳳崖蜜豈含鶯飽食榮 君賜臣心勵亦

誠

賦得詩書至道該

道統相傳續斯文信在茲典謨昭日月風雅麗文辭誦  
讀須尋蘊研求貴探竒篇章含妙義刪述見精思曠代  
情相接他年政可師討源如有得遵路更無歧自愧通  
經目多慚國士知還將彞訓意書策獻 彤墀

嘉禾

聖人膺寶籙嘉穀應昌期九穎頻書瑞雙稔未足竒吐  
花紛玉屑抽穉疊金絲繡浪如雲布駢珠壓露滋篝車  
方滿載秉秬更多遺慶協蓮同蒂祥符麥兩岐百寮懽  
拜手萬國貢謳思永命承天佑休佳兆本支

鳴和集

甘露

渥澤流穹壤深仁達旻蒼河清方獻瑞甘露又呈祥著

樹珠成顆凝枝玉有香淨伴仙掌液晶比玉壺漿晴雪

融三泖和風轉一陽

雍正六年十月  
松江奏甘露降

滴簷方湛湛零蔓

更灑瀼戶頌休滋至人傳命溥將飲和胥醉德拜手祝  
无疆

慶雲

南極星臨地東皇旭起時慶雲呈五色光彩映重離捧

日融霄漢澄波漾碧漪爍鱗龍欲動翮羽鳳初儀豈是

銀梭織翻疑煉石為寶花元不墜華蓋喜常垂玉葉連  
朝秀金支合朔竒點蒼成繡嶺濯錦誤昆池

慶雲見雲南連三日

六詔傳華省三呼拜赤墀嘉祥占歲稔 孝感受天禧  
遠遡軒轅紀曆歌復旦詩太平微有象共上 萬年卮

時雨

皇天敷大化萬物荷生成靈雨連朝沛良苗匝地縈密  
雲霄漢合驚雷夜牕明猝至兼風爽徐歸散霧輕收  
琴岳潤頓覺輦紋清掠燕翻溪翼鳴蛙樂沼聲遠峰浮  
岸白積水到堦平淡洽連于畝涵濡徧八紘三農喜露  
足百室佇寧盈曰肅徵洪範乘時本至誠屢豐邀  
帝力降福愜輿情願上甘泉賦賡歌協鳳鳴

上元前三日 賜宴

傳柑喜遇上元前淋景和風動綺筵春暖定知花信早  
恩多偏近月光圓摘毫未敢誇三殿既醉惟應祝  
萬年何幸小臣躬茂育願同擊壤樂堯天

端午日應 制

拜舞 恩榮出上方蜀花賤上頌明光葵心向日依丹  
砌萱草忘憂近玉堂人物咸熙歸樂育 聖明離照正

當陽太平 萬歲天中節共被薰風化澤長

賦得朝朝染翰侍君王

載筆彤庭侍早朝 御爐香起瑞烟飄  
鳳池日暖霞箋 賦龍閣春深墨海潮  
詔下九天敷雨露 詩成七字比瓊瑤  
聖朝言動誠堪佩 自愧星垣列慶霄

賦得因風想玉珂

直廬青瑣合不寢 夜聽風戛擊誰鳴  
珮鏗鏘想玉驄 韻流丹砌遠音赴  
碧霄空假寐常驚坐 懷封欲達聰垂鞭  
疑竹院緩轡誤花叢 結念惟書笏馳情  
在鞠躬忽如趨

鳴和集

四

肆夏便擬賦彤弓 聖命數千里臣心一夜中

賦得雲近蓬萊常五色

千門方霽色三殿起祥雲 淋景開黃道  
晨光麗錦文 春旂增照耀寶鼎合氤氳  
苑樹虹橋彩宮花繡幄芬 瑞芝蒸燦爛  
威鳳集 纘紛捧日依 仁主從龍得 聖君上天  
占易象復旦 誦詩云快覩軒轅紀 三呼碧落聞

賦得湖光山色入詩箋

御製避暑山莊詩

聞說山居即 帝鄉窓開面面受清涼  
峯圍密樹參差

影水貯晴天 上下光朝爽逼簾  
侵几潤晚風吟韻入花

香冰壺朗徹霞綫麗恍覩華胥歲月長

離宮遙接白雲房一帶湖山遶畫廊波動晚風魚潑潑  
雲開曉色樹蒼蒼亭臺未雨原無暑時節先秋定早涼  
尺幅瑤箋收萬象喜瞻宸翰誦琳琅

萬壽節滇南慶雲見

一人有慶應昭回五色祥雲捧日來鶴鷺趨承遊閭苑  
山川佳麗映樓臺邊隅化被光天近南極星臨壽域開  
華祝衢歌傳萬里稱觥齊上萬年杯

復旦光華自昔傳虞歌今喜祝堯年五華山翠連蓬

鳴和集

五

島六詔恩波耀海天彩靄經時猶燦爛金支翼日更  
新鮮大孝感徵圖籍寶籙承庥壽八千

早朝詩四首

午夜無風靜禁闈玉街紅燭照行駢漏聲三點趨  
金闕星聚千官列紫微宮樹帶烟籠曉仗苑花零露點  
朝衣小臣望日瞻天切心逐朝陽彩鳳飛

五鳳樓高瑞旭新兩行鷓鴣夾楓宸雲開闔闔天門  
曉風拂旌旗玉殿春雉尾回光環主極螭頭屏息竦

臣鄰御爐香靄氤氳起臚唱聲中引珮紳

咫尺 天威望匪遙 侍臣稽拜肅 皇朝仰瞻 黼座  
龍文麗靜聽笙歌 鳳律調酪乳和羹 頻命說共球獻 嘖  
悉歌堯黃封展讀 絲綸賁共慶 恩波下九霄

日射花磚映棘槐 上公曳履下蓬萊 鶯聲遠逐鳴呵散  
柳色低迎仗馬回 退食從容翔玉署 就班踈踏位瓊臺  
欲書萬國衣冠盛 深愧淵雲作賦才

賦得光風搖動蘭英紫

遲日 宸遊淑景寬 望春意到湘蘭 英開輦路風初  
暖色映宮袍 露未乾 澤草也應同玉樹 國香原合侍

鳴和集

六

金鑿握來勝似含 雞舌休作尋常雜 佩看

賦得陰陰夏木轉黃鸝

朝爽來山徑 聽鸝得好音 金衣藏翠葉 巧舌弄清音 日  
暖調簧滑 風微度曲沉 響流松籟遠 韻入水泉深 食甚  
穿花苑 含櫻到上林 遷喬原素志 求友遂初心 乳燕喧  
新霽 涼蟬唱曉陰 息機隨處足 相對有鳴琴

賦得首夏猶清和

綠樹青苔樹高槐 翠幙連池塘 新雨後樓閣 晚風前燕  
語穿簾 攙楊花撲路 顛雉飛翻麥浪魚躍動 荷錢暖試

輕羅薄涼生小扇偏開窓延舊竹盪漿過新蟬化洽人  
民樂風清草木鮮 聖朝時序順長日戴堯天

賦得地闢天開第一人

道統相傳文在茲儒宗共仰聖之時表章禮樂追曩烈  
刪述詩書啟後知四教精詳功有序六經昭晰理無遺  
天教木鐸鳴東魯玉振金聲萬代師  
功德巍巍冠百王文章性道久彌光尼山俎豆明裡遠  
泗水弦歌化澤長數仞當年猶躑躅一辭何處更揄揚  
罷車服物依然在仰止高山誦廟堂

鳴和集

七

位育功高邁等倫敦思直欲贊洪鈞生當帝德王功後  
自是天開地闢人闕里牲牢榮舊典杏壇日月照長春  
駿奔喜與升堂列彷彿儀型委珮紳  
江漢洪流彙百川擬將學海測深淵子臣弟友功參化  
用舍行藏動合天聖又多能難臆度道惟一貫在心傳  
宸章賁處龍文耀坊表欽崇億萬年

賦得秋菊有佳色

誰道花能隱黃金發素秋迎風香氣襲籠日瑞光浮冷  
露凝偏艷涼蟾照更幽淡宜修竹映清與澤蘭儔飛翠

遙山接涵英入澗流植闌明玉砌對酒耀金甌落帽霜  
初緊砧寒雨未收催詩憑節物高唱幾人酬

賦得三十六宮都是春

易理陰陽姤復新往來三十六宮春門於八卦圖中啟  
位合先天數裡陳八卦圖謂乾三坤六統八卦為三十  
六畫先天數謂乾一兌二合八卦為  
三十三數震艮同居餘可識乾坤分宅例堪循此指六十四  
卦言乾坤坎  
離大過小過中孚頤八卦各自為一宮餘五十六卦兩  
卦合一宮統之得三十六宮如重震倒玩之即重艮也  
天根月窟人探得萬戶千門不隔鄰

三三

三三

主後說宮字  
方有着落

鳴和集

八

賦得杏花微雨勸春耕

喜奉 鸞輿綉陌行野橋村樹拂前旌杏花已白宜動  
耜蒲葉方舒正勸耕細雨著箴知 帝力好風吹特問  
民情遙知他日西成後擊壤聲中頌太平

麥秋

三農方入夏二麥已逢秋日麗金莖暖風和繡浪浮兩  
岐誇瑞應八蜡兆豐収疊穰看盈野駢枝欲滿篝築場  
聞雉雥圍舍蔭桑柔味勝黃梁美珍宜玉斝羞來牟知  
帝力率育荷天庥况復西成後盈寧樂九州

賦得好雨知時節

正是新苗候欣逢化雨滋熟梅方應節飛筴正當時涼  
氣侵朝幌踈聲入遠枝鳩鳴如可卜礎潤已先知集溜  
懸成布翔風散作絲堯天均布濩禹甸浹敷施飄洒來  
芳迳霏霏上玉墀禽魚知帝澤草木愜恩私擊壤行  
看徧隨車未足竒太平多祝嘏敢進大田詩

賦得文治日光華

聖代文明治敷天喜觀光祥風占泰運旭日應時昌禮  
樂增巍煥圖書益炳烺尊師崇廟貌造士育膠庠 德

鳴和集

九

徧薰陶廣 恩深化澤長彤庭開四照丹砌曜重芒聲  
教敷千國共球集萬方揚休同翮鳳振采麗朝陽

賦得折檻旌直臣

漢史垂邦直臣雲志不渝陳言爭國柄矢志切民胞面  
折寧辭犯心誠豈待教救時呈苦藥尊主鞏桑苞政府  
同調瑟官堦詎繫匏松貞宜雪護竹勁耐風敲檻折坤  
三象忠抒蹇 項強堪後勁骨鯁嗣前茅苟類鷹鷂  
逐何妨燕雀嘲景行千載後泰運正當交

賦得春蠶作繭

浴川將作蘭食葉乍成眠自吐絲為屋俱依箔似巖巧  
藏身欲密道貫勢相銜遇物形惟肖同功德是咸蟄龍  
方隱伏巢燕不呢喃獻處蘧筐滿繅成女手掺化隨蝴  
蝶夢織作鳳凰衫五色如堪補抽思達 御函

賦得燈緣起草挑

永夜攤書久寒更蠟易凝淚傾光欲黯花重燄難升剪  
罷金蠶落挑殘白鳳騰藜輝通曉閣犀照徹層冰便可  
勤書蚪無煩誤拂蠅揮豪增藻采磨盾耀觚稜寸燭心  
期朗雄詞筆擅能焚膏常繼晷薪火幸傳燈

鳴和集

十

聖駕南巡恭紀十二首

聖主乘春重省方璿宮介景日舒長為扶 黃幄隆尊  
養特展青旂飭典章南極祥光聯北斗西池佳氣應東  
皇時巡吳會恭繩武萬口呼嵩祝壽康

文母初逢週甲時齋居正值上辛期馨香甫薦金根動  
灌獻方成玉輅隨 行在三朝占燕喜寵光八表荷鴻  
施畿南駐蹕青齊近履畝還勤保介咨

循依

祖烈到江干翠壁丹崖拂

御翰四十年

來民望切三千里內頌聲歡春融草樹霑新露 駕駐

山川改舊觀未許辟除容就日喜看簔笠並衣冠  
崑崙九曲慶安流帝念蒼黎省度周浪輯金堤迎翠  
幘瀾迴砥柱賁龍旂桃花竹箭營宸慮劬子宣房匪  
睿謀如駛淮黃齊赴海石虹綿巨輦千秋

浮玉峯頭侍

起居雨花臺上契真如江山鐵甕踰

天塹龍虎金陵指帝車丹篆墨霏千尺雪紫泥春霽十  
行書三吳已饜恩周渥夾路歡聲賦樂胥

於越風光夜翠微四圍屏障鎖林霏奮開明聖鱗波湧  
駕引慈寧羽仗飛偶駐鳳山呈勝覽便披龍袞

鳴和集

十一

作班衣曉峯宛委凌晨路蘭渚香生露未晞

塗山玉帛事非遙指點芙蓉插絳霄雲際探書窮禹穴  
波中踏月渡胥潮懷柔禮肅明禋典清晏祥開集

聖朝寶鼎芝房奚足羨海隅日出盡賡堯

新租半給舊全蠲曉望青浮萬井烟水耨火耕邀

帝力金饑木穰裕民天日南家賜軒轅甕斗野人歌滿

汭弦一自翠華臨幸後如春愷澤浩無邊

澤徧黎民及士紳歡迎江滸與湖濱塵凝紫綬抽簪久  
草映青袍素筆新慶賀賜環重振翼欣歌在泮即攀鱗

斗南舊是人文地更為旁求席上珍

傳來行幄踞陳詞玉尺量才荷 聖慈珠貫雙聲詩律

細銀鈎八體墨華滋拂雲得路捫蟾窟承露分榮到鳳池  
天子門生叨異數園橋人盡沐朝曦

扈從臣僚拜賜先羽林齊給水衡錢自來府海官山地  
共覩祥雲瑞日天嘉樹欲留江上棹名苑惟貯惠山泉  
朱提徧錫迎 鸞叟特為推恩示引年

親奉 鑾輿往復還煙嵐晷畫慰 慈顏芳林盡

是恒春樹碧嶂皆成萬壽山雅頌淵淵聞曷擊典謨皞

鳴和集

十三

皞孰追攀微臣珥筆賡時邁忝佐綸扉綴末班

賦得花枝照眼句還成

香風面面入窓紗占得文壇正坐花蕉白硯開頻點絮  
杏紅棧擘試分霞章成五色同天巧賦就三春艷物華  
滿眼芳菲誰製得漫將江筆向人誇

賦得青壤百蔬妍

天地無私化生成到百蔬青疇風暖後紅甲雨晴初樂  
意着榮長閒情及刈耨灌園隨讀罷學圃足耕餘味可  
調金七香宜伴玉糝栽培資厚德更喜傍階除

賦得風含翠篠娟娟靜

雨過風微草閣前此君相對趣天然粉枝戛擊時敲玉  
翠雨紛飛欲舞烟低戶不關花六出拂簷常似柳三眠  
鳳搖金尾朝暎淨龍抱明珠夜月圓解籜已看標勁節  
迎飈更擬聽疎弦入簾草青同譜蔓壁新蘿翠欲連  
方唱和時偏寂靜最平安處是踰躑穿根小洞依山瘦  
繪影清流結水緣宜有松濤兼瑟瑟可無泉筑應娟娟  
一庭掩映思淇澳半畝蕭疎即渭川蔭得清光滿鄰舍  
續成佳句嗣前賢虛中妙理誰拈得漫說凌雲到九天

鳴和集

十三

國之大典莫重於祭每逢 法駕躬親誠敬感孚  
神明協應罔不日霽風和恭紀五言百韻

帝德光明旦天心順雨暘感孚通合漠昭格達穹蒼吉  
日行典禮明禋奏太常五雲開紫極三殿下彤章球壁  
陳東序敦盤集上方菁茅輸遠服纁組貢遐荒室事經  
旬理齋期越宿忙質明雙鳳啟平旦六龍驤景卿連霄  
霄旌旂拂曙光朝陽迎 法駕湛露浥明堂翠葆紛成  
隊仙支采列行親軍徐引轡中使曼垂璫路由鸞音導

香飄雉尾張

壇壝清肅越

廟寢儼輝煌鶴立

羣臣侍息趨百辟勦我我司七鬯濟濟奉圭璋寶焰噴  
金獸瓊筵布玉粳栝捲列珍錯雅樂奏鏗鏘優愉如臨  
戶焄蒿若在旁 聖容方穆穆殷禮正皇皇龍勺欽承  
侑雞彞肅裸將威儀親赫喧聞望式顯中庭燎輝几純  
宮懸雜佩璜籥人將徹俎祝史已離禘聲脩三終曲儀  
成九獻觴神歸風馬捷燁起石麟翔此日中天旭重輪  
四照芒榮華敷燦熒英文采煥鴛鴦黛色增虬柏清暉耀  
袞裳於昭寧或爽臨鑒有餘慶禮畢誠猶在情深敬未  
忘階除行怵惕棨栒仰徬徨精意承 天眷虔衷達

鳴和集

十四

帝閭苾芬勤孝享第祿屢豐穰八氣調無缺三農樂未  
央西郊遺秉稷南畝積倉箱戶盡稱殷阜人多享壽康  
禽魚猶率育草木亦敷揚治象洵難述庠徵詎易量聯  
珠看映斗澄碧溯流黃麥秀欣雙穗蓮開喜並房瑞鹹  
呈地寶甘露灑天漿凡此嘉符萃皆由 帝道昌 深  
宮昭事恪寰宇澤流灑盱食何曾暇宵衣莫或遑敷言  
申巽命執極秉乾剛遠教救邊域鴻猷出廟廊仁施蠲  
程枯威震掃欃槍造士菁莪盛求言訪洛詳懷柔洽川  
嶽䟽鑿利耕桑念典循無逸維新體自強畏懷蕪在宥

休豫亦如傷抱器胥蒙鑑懷才競處囊政孚民物裕  
主聖股肱良砥節思廉法同寅協贊匠冲霄伸鵠志伏  
櫪羨駒昂共戴重華舜咸思一德湯風恬日熙皞聲溢  
更汪洋干羽平沙漠衣冠治蜀羌車書連玉帛符節慰  
梯航大化通三極靈祇致百祥以茲崇福祉用報德馨  
香篤祐非琮璧居歆豈稻梁濯鼎資洵潦介酒足羔羊  
古昔珍圖識師巫重禱禳白麟誇隴首黃鶴羨仙鄉瑞  
氣覘封上榮光際水旁傳聞都誕幻想像或微茫上治  
無矜異中孚亦孔彰太和真迪吉積善自俾臧隱顯誠

鳴和集

十五

無二幽明理自償燔柴臨泰時釋菜入膠庠祈穀三春  
雨吹豳九月場鳴鳩驚墜露落葉感新霜按節陳牲幣  
因時薦鮪鱠至仁隆袷禘達孝備蒸嘗每遇鸞輿出

多逢義御襄銜虹為滅沴微暄必舒陽弱柳承華蓋高  
槐散紫韁瞳矐初日旭綽約曉風涼屏翳先馳檄豐隆  
即戒裝軟紅柔未起平綠繡相望供帳雲垂幕升歌鳥  
弄簧有山胥島峽無水不瀟湘碧樹籠鷓鴣香泥健驪  
驕晴絲牽羽衛花影繪康莊陛楯森貔虎鈞簫叶鳳凰  
知臨同有赫純嘏永無疆景暢天顏霽時雍化澤長

功堪六五帝業可四三王萬代瞻徽懿千秋法紀綱矢  
詩陳萬吉書冊炳琳琅臣忝登瀛侶班隨協律郎垂紳  
思對越執帛効趨蹌舊讀叨藜火新辭愧柏梁才疎慚  
甲乙學淺負縹緲問器徒兢業懷箴倍恐惶躍鱗希在  
沼翾羽識鳴岡箕範鴻敷錫臯謨祇頌颺恭吟一千字  
拜手祝陶唐

乾隆癸亥年

駕幸盛京祇謁

三陵恭紀五言百韻并序

皇帝御極之八載四海乂安萬方樂利昇平已昭乎累

鳴和集

十六

葉兢惕彌切於淵衷思開創之維艱慮繼述之不  
易勤求報本恭謁 丹陵由京以達陪都

駕臨豐沛禮畢而行賞賚慶協神人翠輦初登金  
風戒道龍旂歸蹕玉律回春臣幸際昌期忻逢大  
典感孝思之不匱欽禮數之特隆敬賦千言恭呈

百韻詩曰

一德當陽日三階拱極辰車書山海共玉帛歲時親謨  
烈承千禩 恩膏浹九垓敷畿先百辟和聽協羣神孝

治誠彌切綏成思轉誼眷懷縈左輔齋後肇 東巡闡

氣欽鍾毓遺風想樸淳神京今漢沛天作舊周幽繩武  
追前業重熙浹累仁謀猷垂統緒櫛沐啟亨屯水木情  
何已烝嘗禮特申先期班 法駕卜吉事明禋白帝方  
司鑰朱明早息輪桂香風拂拂潦淨碧粼粼翟茀迎  
慈陞龍旂展 帝宸嗣徽齊任妣理教潔繁蘋繡陌玲  
瓏憶康衢蹀躞駟花明引輦路草藉屬車塵紫塞雄關  
轄黃沙絕徼埋麾旄傳隻埃茄吹列重閭虎旅嚴宵柝  
雞人報曉徇行行隨斗極肅肅銜鈞陳萬古龍興地千  
秋馬鬣寬白山何岌崩遼水更連淪結束天樞轉盤旋

鳴和集

十七

地軸瑾衣冠

原廟闕弓劍鼎湖瀕霄竄松楸古霏

霏雨露晨豐碑嶷巖巖華表屹麒麟景仰 乾衷惕徘

徊吳命伸 一人勤灌獻百爾勵清寅玉笋流清醑雕

筵列翠珉和羹羞苜藻登豆脯蚪鱗鱗組度將幣尊彝

競束薪鈞天和廣樂韶奏叶金振獸舞虞廷石鸞鳴嶰

谷筠情文兼郁郁蹠躋益閭閭殷薦馨香格於昭福嘏

純祥光凝紫極瑞氣溢青旻俎徹覘儀備 神歸告

事竣和鑿迴廣漠飛鞚下嶙峋東闕規模壯前驅鹵簿

臻巍峩棲鳳閣遊豫息龍津締造勳常在音容思未涇

軒楹瞻鏤錯坻岬俯鱗眴班序趨承肅遐荒拜舞頻有  
生皆戀主無譯不來賓狗馬先方物羶裘悉致身雍容  
羅劍履璀璨飾珠蟻輯瑞趨屏翰觀光襟佐僕吹幽聽  
故老擊壤見遺民賜酒山疊重行厨海錯珍元音聞九  
奏內帑動千緡敷澤同涵海承恩被化鈞 聖心猶惕  
惕 天語倍諄諄錫予先更老頒施及儼俛網開三宥  
典租復七年困拜爵鵷鸞喜蠲征沆瀣新浩波沾渥澤  
大冶荷陶甄丹詔傳宣畢黃麻寵畀均山呼華島側雀  
躍綠江滄燕饗宣慈惠蒐苗寓選掄軍容威遠服兵教

鳴和集

十八

式羣鄰玉靶千官馭鵠刀萬騎紉鸞弓盈比月露戟皎  
如銀嚴翼營清壁超驤技絕倫風高翻俊鶻雪淨布修  
民負鏃文羆怒驚弦隱豹蹲草枯跳玉兔木落仆銀麇  
毛羽誇多獲燔炮賞必勻成禽供鴈臠飲至獻猩唇屯  
麗旋韜甲班騅早抹帳掩羣知有節圍澤戒先循玉燭  
調元會金甌養化醇和衷明禮讓交泰迪知恂奕世儀  
型在 先陵祇謁遵臨洽逾赤漢封岱鄙羸秦歲閏

三農早年豐百室溱衢歌歡遍野社鼓擊連旬稔秸充  
庾廩鋤耨罷隰畛滌場村有杵夕警夜無狝雲蓋迴巖

隩霜楓燦蔚彬采風敦古俗省歛及新岷鳧渚紋如縠  
螺峯黛欲斂神臯徐駐節仙籞肅垂紳就日來山叟瞻  
雲到海濱至誠隆報本 大孝篤天人咏皇華隰工  
歌早麓榛禮成虔格 廟典重錫殊綸澤沛堯天廣  
風清禹甸昉神芝看挺秀孝竹為生筠瑞靄縈珠網卿  
雲耀錦茵仁心孚上下精意格神人著莢綠墀茂龜龍  
在沼馴體乾符首易綿真婉靈椿鐘律方司癸陶匏又  
卜辛德音聯秩秩和氣接收收在藻宜賡和來遊企勝  
因小臣恭獻賦斑管慶同春

鳴和集

十九

平定金川恭紀

五言古三十二韻乾隆十四年選入平定金川方畧內

維 皇撫萬邦四海慶安宅梯航來遠服球賚通重譯  
血氣皆尊親豚魚亦孚格何物金川酋蠢爾逞昏孽弱  
肉恣侵吞 天威敢忤逆恃險憑虎隅出穴工鼠窟師  
臣謀不臧兩載氛未滅我 皇赫然怒廟算定機策指  
授經畧恒 戶部侍郎傳恒 汝往親執馘經畧秉忠亮神勇更超  
絕揣賊如戶庭過伍於衽席蒞營即鋤黨賊已失間謀  
軍令申嚴明士卒奮糾仡攻摧連晝夜衝冒先兵卒卡

奪瓦鮮紛礪破雷轟裂長驅搗中堅膽落魄已攝窮蹙

乃歸命泥首乞存活專征事犁庭未許便輕釋解網頌  
皇恩赦罪諭兵徹神武貴不殺况此等蠛蠓浩蕩覆載  
寬畏懷即吾赤崩角伏聞 詔悚慄變喜悅六事遵約  
東萬戶供兵役番蠻盡傾誠邊徼永寧帖衮衣振旅歸  
酌庸秉圭璧玉壘呈祥雲巴歌雜鏡發解甲倏囊戈閭  
里欣卧轍捷書到彤廷忭舞遍臣列 皇師不血刃醜  
類已沈革洪仁稟 慈訓偉武昭 祖烈好生洽  
民心

宗社綿福澤作詩嗣采薇千載光史冊

平定準噶爾恭紀

七言古七十  
二韻謹序

鳴和集

二十

國家純熙累洽聲教旁敷含生負氣之儔咸知愛  
戴西鯨東鷁之衆盡赴梯航而蠢茲準夷負恃  
荒遠濟惡滅倫

聖祖仁皇帝曾親六師往正厥罪渠魁既殄餘孽竄亡  
世宗憲皇帝時復肆頑梗命將聲討威德兼施黃蘆遠  
布世載寧靖

皇上臨御以來恤其來使許以懋遷謂宜感戴

天恩永救荒服乃卯遺醜類梟獍自殘致衆叛親離

號呼內籲

額還舒眉願入編氓務耕鑿忍隸暴虐供鞭笞倒戈望  
後指窟穴計擒生縛獻九達長驅入險竟莫守破巢遺  
卵相繫累腰間寶刀瑩如雪畧無縷血膏鋒鉞箠中三  
矢不遺一何須大澤鳴饑鷓鴣犁庭掃穴在指顧執訊獲  
醜還逶迤回看烟沙莽浩蕩游牧不改耕不移捷書飛  
布計時日征衣尚未易葛絺鬼方三年已師老七旬苗  
格猶濡遲 天威迅速光顯爍勒功不數燕然碑金雞  
木鳳集廷下羣工表賀 帝曰咨國家豈屑勤遠畧覆  
亡之戚彼自貽築室道謀古所戒膚功克奏因其時撫

鳴和集

三

茲大業敢志喜益當惕厲心勤孜潔誠告

廟答嘉

祐善繼善述皆前規

慈幃悅豫膺介福渙汗

徽號加純禧酬庸勸賞錫圭爵記功考覈各有差 恩

詔遙傳萬方喜慶昭

宗社福祿滋王者有征本無

戰何待捲甲行披靡輪臺遙望葱嶺秀萬里肅靜天四  
垂牛羊邱隴卧晚晚行饒徧唱平西詞繪圖測景歸版  
籍 皇猷遠播登咸熙日月沐浴畢環集望塵羅拜相  
趨隨所志惟求出水火 天子又復加恩慈心維口誦

祝 萬壽永寧荒服無貽罹西戎自古梗王化邊烽告

警代有之漢設都護鎮三域遞時懷遠仍招携末季策  
邊惟戍守國威未振軍寔隳我 皇一怒定西極廓清  
沙漠恢藩籬受俘執馘獻 祖廟業歸遺緒垂鼎彝  
欽惟謀始操 睿斷大勳克集允在茲功高累代古莫  
並福蒙萬世安烝黎玉關西望景員濶金甌永固綿昌  
期 廟謨籌定神化合微臣窺測慚管蠡銘碑作頌  
頌鴻雅拜手敬上昇平詩

大閱禮成恭紀 并序

欽惟我

鳴和集

五

皇上經文緯武聲教遠訖乙亥出師平定西域覲揚  
光烈式廓丕基丁丑左部哈薩克稱臣入貢今歲戊寅  
布魯特投誠而右部哈薩克亦來歸回鶻獻城  
納款塔什罕俱來朝感孚中外威德宣昭實隆  
古所未有爰諏仲冬

駕臨南苑舉大閱之禮新附遠臣

命隨屬車以觀講武 臣 幸際昌期恭逢盛典謹獻詩

五十韻以頌詩曰

吉日惟戊子仲冬告豐年 聖人親講武南苑揚旌旄

國家際熙洽 龍德方乘乾柔遠訖西極稱臣悉來前  
緬維乙亥歲出師 皇威宣五月大功成曾不腥牙鉞  
所過迎壺漿當春富水泉俘其名王歸赦之宥宿愆準  
嚙爾既平太學豐碑鏤萬里氣作新 兩朝志承先  
泮林鴉乃集背化揚翩翩彎弧亟命中冥誅喘不延  
天戈誕遙指西旅輸誠虔懷德無畏威魚爵歸叢淵丁  
丑左部至化不隔於闐表進汗血駒立仗高兩顧右部  
接踵來慕義歸何遘自効倍左部所願均陶甄同時回  
鶻降諸部來連連豈惟大宛國叩關兩部全盤山鬱葱

鳴和集

三五

佳 御莊繞祥烟使臣稽首覲懽忭得瞻 天回旌臨  
禁禦啟宴鋪瓊筵張我太乙罍陋彼羽獵篇廼 大閱  
六軍騰裝嚴且鮮煌煌 御甲胄星拱寶幄圓瞭鷹臺  
百尺龍纛鈞霄翩桓桓禁旅萬鏘鏘從官千臺後豹尾  
森臺前鹿角駢弰弓赤羽箭駿馬銀絲鞭絳旂何飄飄  
畫鼓聲淵淵金槍迭迸發鐵礮環相聯吹螺陣始列擊  
鉦陣迴旋兩翼齊九進外勁而中堅下不過跋兔上不  
過翔鳶日晶風颯爾野淨霜皎然司馬禮進退畢事

詔旨傳頒賞徧營伍還 官道平平維茲西極臣目懾

咸聳肩歸將諭諸部樂德心益專我皇撫西域初非  
為開邊閭不增賦徭戶且加賑蠲武功既安人文化尤  
興賢經緯勤一心執中而有權木蘭歲秋獮寓教嘗於  
田今茲討軍實更示懷侯焉虞書美舞干豳風歌獻豸  
神倉有餘穀水衡有餘錢中外我一家戢橐鴻祐綿大  
哉西師詩仁心被絃埏

端午日 賜藥香扇恭紀三首

乾德正當陽萬類慶咸若天恩傳紫禁地臘賜丹藥  
金盤光照耀綵線紛錯落功俾長命絲香勝青甯酌佩

鳴和集

三

服祛五兵飲喫除百瘧堯仁廣施濟拜舞同懽躍  
霞光集鷓鷯瑞靄侵衣裳徒矜千步名未識百和香朝  
來青瑣闥競佩紫羅囊晶簾透重複細葛含清芳刀圭  
榮寵錫麗正慚文章惟應頌寶鼎歲歲樂平康  
剪月明素心展紈若開電惠風暢三伏暑氣清高殿柄  
握常不移輪翔自迴轉何當上方珍逮及下臣賤懷袖  
未敢離貯笥有餘戀表揚君子德長荷聖人眷

宣賜荔枝恭紀四首

天上三漿味人間一品紅移根來上苑帶葉賜離宮

色映彤庭旭香生紫殿風侍臣歡捧日長此勵丹衷  
舊譜珍仙品 新恩得賜嘗所生原福地得氣在炎方  
不事徵飛騎偏宜上小航試看香色味何異嶺南鄉  
外具丹砂質中含冰雪姿 君恩分及此臣節凜如之  
玉醴應同醉晶丸未足奇不須呈諫果飽德太平時  
日啖誇三百斯言聞子瞻醮鹽翻覺淡入蜜轉非甜懷  
核常心喜披圖欲手拈還應憑繪事彩筆記 恩霑

賜香柑

占喜黃裳吉分甘出內官寶相宜錫貢書味豈辭酸韞

鳴和集

三

珀函青箬堆香壘玉盤過淮難望橘况此鬱金丸

賜龍井茶

可是金莖液來從玉井峯白毫新雨後青箬磁封沁  
齒清宵渴沾唇醒酒慵候烹魚眼活不數小團龍

賜鼻烟壺

鼻觀通微渺祥烟袖裏招錦囊圍帶繫金柄小匙挑頓  
覺來秋爽偏宜靜暑煖壺天常在握寧慮海風飄

賜香囊

絡匪蠶絲結囊因象齒雕玲瓏藏玉匣馥郁透冰綃蘭

茵紛腰袂茱萸雜珮瑤何如此 欽賜千步接非遙

賜香盤

寶器來 丹陛金盤 錫下方雷文縈四角五福集中

央瑞腦盛几畔卿雲繞硯旁商銘如可法明德貯馨香

賜福字

福履新銜接上台 御書欽賜與鄒枚龍蟠寶帖迎禧

至雲擁天街捧日來筆彩騰輝翔鸞鷲墨香飛濕下蓬

萊願推敷錫寰瀛極萬戶爭看景運開

賜梅竹畫軸

鳴和集

三六

御筆頒來賜小臣冰姿勁節勵惟寅毫端翠滴三霄露  
筆底烟含萬卉春曼韻清如承玉珮古香尚捧出 楓  
宸自慚采繪曾無補欲步熙筌愧後塵

瘠藻紛披出五雲錦囊開處瑞氤氳丰姿磊落逾承旨  
骨氣清嚴過方軍玉軸全籤臨虎觀赤符雲篆貫龍文  
晚香圖就成三友花譜新翻迴出羣

賜圓明園四十景詩

街頭賀歲逐車塵忽聽傳呼出 紫宸聞 命急趨

皇路迴受 恩榮拜 賜書新乍開仙篋圖中繡捧讀

雲章字裡春閱罷置身疑闈苑焚香什襲重球珍

賜朝珠

一線穿成琥珀丸錦窠盒內赤虬蟠六時禮拜聲千佛  
三殿朝儀聳百官旁綴小珠成玉串背拖雲結重綦弁  
菩提自樹原非種况沐殊恩慧露溥

賜如意

至聖本母意如來亦自如亨屯由大化造物豈私予世  
似春多壽人歌慶有餘所需隨分足即此樂華胥

賜荷囊

鳴和集

无

蘭佩承華殿香囊賽錦榴雁行排襖細蜂户刺花稠  
結墜珊瑚顆縈鬚玳瑁鈎垂紳矢和介惟懼獲包羞

又

生小如錢亦代筐體規圓葉作香囊漫誇五岳圖堪貯  
擬比金魚袋可方紉佩也宜瑤玉飾垂紳不稱芰荷裳  
頌來更寓和衷意一德寅恭勵贊襄

賜對袋

百纈紛綸五色絲刺花繡葉一枝枝雙懸日月不西並  
飄拂襟裾左右宜應有鸚鵡來作伴縱無鵲鞞亦相隨

括囊无咎須知慎拜 賜還欽易象辭

賜藜杖

杖策由來林下風青鞵布襪稱山翁何當祝嘏來天上  
特賜延年出 禁中拜領已增神矍鑠捧持彌覺氣冲  
融携歸蕙麓誇鄉社此與筇杖更不同

賜大緞

發笥光彩燦元纁雲際蟠花紫鳳蹲色配羔狐宜裼襲  
體裁單夾稱寒温 絲綸久被非儒素黼黻常垂近  
至尊敷錫兒孫同衣德一家安吉受 皇恩

鳴和集

三十

賜手爐

朔雪遲梅信長途怯曉寒衰年賴温手煖閣便濡翰小  
試龍涎篆分敲獸炭攢上方榮 錫賚彝鼎例同觀

賜貂裘

凌晨赴召至 官門拜領貂裘感 特恩久凜素絲嚴  
夙夜忽驚紫彩曜朝曦衣輕却被 絲綸重署冷偏承  
詔肯温正遇陽回早朝日袞衣新襲侍臣尊

敢忘釋褐換青初半世官袍站玉除文綺屢 頌珍錫

貢毳衣今 賜煥華裾漫勞齊相誇狐白不羨詩人詠

豹祛自愧衰容身被澤短章恭紀代紳書

行帷 賜饌

四面圍黃幄中開角勝場累裊環北極割肉效東方飽  
食榮 君賜者年益壽康况當遊豫處山色正蒼蒼

賜果肉鮮魚

仙果來營帳分甘出 御厨不憂饑曼倩能解渴相如  
飽德霑 恩湛清心味道腴伐檀方自愧况復頌嘉魚  
除夕 賜節物年果

臘殘已餞迎早春綵符桃板胥更新百寮炫服盈 宮

鳴和集

三十一

門吾 皇錫福領巨卿珍錯品物來陪京赤鱗斑雉蒼  
尾麇更有百果堆盤盛仙桃遺種仙杏并棗栗松榛並  
延齡不羨霜橘和霜橙携歸老幼俱歡迎薦之祖考來  
格歆賡歌喜起頌太平年年此夕霑 恩榮

賜嵩禪願壽匾額

旭日輝輝耀 御輪衰齡喜遇兩 時巡馬前 天語  
春風煖帳裏分厨玉饌珍願壽卜年欽 錫類畫禱

題室愧先民自今蓬華增華寵偃仰東山拱 北宸

辛年祝嘏到 楓宸轉眼桑榆已八旬鳩杖久頌 三

極殿 龍章新煥五湖濱  
雨樓吟客欣同歲 香榭  
詩人尚後塵 歸愚  
自分樗庸虛大耄  
頻膺 錫福自天  
申

賜 御製詩文全集

寶笈雲中下 天童式玉金大文  
光日月鴻雅比球琳  
邃旨融三篋高言貫六經  
七函來 北闕兩集賁東林  
錫極垂彞訓賡歌久德音敷  
天沾雨化多士沐 恩深  
戶誦師周雅家弦識舜琴  
焚香恭盥手捧讀益心欽

鳴和集



